

Bosna i Hercegovina
Federacija Bosne i Hercegovine

KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине

КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-04-27823-34/20 ZJ
Sarajevo, 18.09.2020.g.

SKUPŠTINA KANTONA SARAJEVO
- OVDJE -
n/r Mirza Čelik, predsjedavajući

PREDMET: Dostava odgovora na zastupničko pitanje

Zastupnica Skupštine Kantona Sarajevo Nejra Dizdarević, je na 27. Radnoj sjednici Skupštine Kantona Sarajevo, održanoj 28.07.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavila slijedeće zastupničko pitanje:

PITANJE:

"Molim Ministarstvo prostornog uređenja, građenja i zaštite okoliša i Kantonalnu upravu za inspeksijske poslove za pojašnjenje. Naime, u mnogim izvještajima o mjerenjima emisije zagađujućih materija u zrak koje mi je dostavila Kantonalna uprava za inspeksijske poslove, naročito firme Inspekt-RGH d.o.o. ne vrši se stvarno mjerenje čvrstih čestica već proračun ukupnog godišnjeg opterećenja okoliša koji nije zakonski obavezujući, te se koristi isključivo za Procjenu Fonda za zaštitu okoliša FBiH kada je potrebno odrediti naknade. Ovo uputstvo se nikako ne može koristiti kao zamjena stvarnim mjerenjima, posebno što je ova vrsta proračuna za stara postrojenja gotovo nemoguća s obzirom na njihovu starost i neodržavanje.

Korištenjem proračuna za emisije čvrstih čestica na ovakvom postrojenju je zasigurno znatno manja prikazana emisija u odnosu na stvarne! Zašto Kantonalna uprava za inspeksijske poslove dozvoljava ovu praksu?

Molim i mišljenje Ministarstva prostornog uređenja, građenja i zaštite okoliša na ovakvo postupanje Kantonalne uprave za inspeksijske poslove, jer očigledno imamo pojačano aerozagadenje zimi, a prilikom mjerenja emisije subjekata nadzora u epizodi UZBUNA do sada ni kod jednog subjekta nije zabilježeno prekoračenje!!!"



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića I



ODGOVOR:

Ministarstvo prostornog uređenja, građenja i zaštite okoliša Kantona Sarajevo je Odlukom o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo") propisao obavezu monitoringa emisije iz postrojenja za sagorijevanje (kotlovnica).

Članom 19. stav 2 Odluke propisano je da su monitoring emisije, pored ostalog, obavezni vršiti operatori postrojenja za sagorijevanje snage 50 kW i preko 50 kW, izuzev kućnih izvora emisije, a u skladu sa važećim Federalnim pravilnikom o monitoringu emisije zagađujućih materija.

Odlukom je propisan način mjerenja i dostavljanja izvještaja Ministarstvu.

Članom 34. stav 4 Odluke je naglašeno da se Izvještaji o mjerjenjima dostavljaju Ministarstvu prostornog uređenja, građenja i zaštite okoliša KS, radi vođenja Registra pogona za sagorijevanje - kotlovnica i to na propisanom obrascu. Ministarstvo je u saradnji sa stručnim institucijama, izradilo Obrazac izvještaja i uputstvo za njegovo popunjavanje i isti se nalaze na web stranici Ministarstva, na slijedećem linku: <https://mpz.ks.gov.ba/preuzimanja/zahtjevi-i-obraci>.

Ministarstvo zaprima Izvještaje, te vrši kontrolu podataka iz istih. **Izmjerene koncentracije zagađujućih materija su bazirane na konkretnim mjerjenjima, a ne na bazi proračuna.** Ukoliko podaci nisu kompletni ili nisu dostavljeni na način propisan Odlukom, kontaktiraju se operatori ili im se isti vraćaju.

Nakon toga, Ministarstvo Izvještaje prosljeđuje Zavodu za informatiku i statistiku KS, koji vrše unos u Bazu podataka - Registar pogona za sagorijevanje.

U slučaju prekoračenja graničnih vrijednosti emisija iz postrojenja za sagorijevanje, Ministarstvo obavještava inspekciju za nadležno postupanje.

Napominjemo da se često dešava da nam operatori, zbog nedovoljne informisanosti, pored traženog Izvještaja, dostavljaju i proračune emisija u zrak koje zahtijeva Fond za zaštitu okoliša. Iste Ministarstvo ne uzima u obzir.

MINISTAR

Faruk Kapidžić, dipl.ing.arh.

Dostaviti:

- Predsjedavajućem Skupštine
- Služba za skupštinske poslove
- Sekretar Vlade Kantona
- Arhiva



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

